

Dahcej Seizseiz Hawj Gou Roxnyinh Vuenyungz Haenx

让我时刻感到幸福的姐姐


Gou miz boux cejbiuj gyaundeisimndeideu, de louz byoemdinjbingzdaengzrwz, ndaemndwdndwd, aenndaengmizdi ndiengqdoxhwnj, loh'ok fouq siengq cabheiq ndeu. Baihlajbwnda nanwdnwd haenx naep miz fouqlwgda hung ronghrikrik ndeu.

Geiq ndaejgou seiz haj bi, gou ciengzseizbae ranz dahcej youq, moix baez gwn haeux seiz, gou lau ngu hawj yawj densi, couh naeuz mbouj iek mbouj siengj gwn haeux. Yienghneix, dahcej couh ndawsim roxyiuj bwnq gou gwn haeux, gou cix gag soengsedsed yiengjsouh gijsneix.

Geiq ndaej baezhaenx goengda daiq gou caeug dahcej bae caemxraemx, goengda bae diengzhaex seiz, gou couh rag dahcej daengz gokciengz bae guhcaemz, aen cung ndeu le gyoengq vunzhung ra raen dou, cij rox dwg

goengda heuh gyoengq vunzranz dauqcawq ra dou. Goengda deng hwk lau liux, dingq naeuz ra raen dou lo, goengda couh gyad naengh gwnz namh doek raemxda. Dahcej hix deng mehnax ndaq mbat ndeu, lij deng fad gvih roengzbae, dahcej caegcaeg lwnh gou nyi: "Dahnuengx, baezneix caen dwg raeuz loek lo, yienghneix gag caegcaeg bae guhcaemz, yungyiemj lai, gyoengq vunzhung hix yousim lauheiq." Gou najmong raemxda loenqbyoegbyoeg, dahcej ngamq beij gou hung bi ndeu, vih maz gou baenzlai manz, dawz gij gyaed dahcej dangguh aenliengj ganghoh gou, hawj dahcej vih gou deng ndaq. Gou itdingh yaek bienq ndaej roxsoq cij ndaej, yaek lumj dahcej gyaed gou yienghaenx bae gyaed dahcej.

(Se Yizfeih raiz; Goenggen hoiz)



Lwgvuengziq



bouxraiz Swng' aihgwzsuhbei-
lij bouxhoiz Luz Fwncangz

圣埃克苏佩里 著 卢奋长 译

"Gou gvaqngoeng genjdanh lai." Duznyaenma naeuz, "Gou gaeb duzgaeq, vunz gaeb gou. Duzgaeq cungj doxlumj liuxliux, vunz goj doxlumj liuxliux. Yienghneix, gou mbwq-linlin gvaq. Langhnaeuz mwngz gunx gou le, gou gvaqngoeng cix vuenyungz dahraix lo. Gou rox ndaej ok sing' yamqdin mwngz, cungj sing' yamqdin neix mbouj lumj sing' yamqdin wng. Gou baez nyi sing' yamqdin wng cix ndot deuz ndoj hwnjdaej, hoeng sing' yamqdin mwngz cix lumj singfwen nei, gou ndaej nyi liux cix ndonj ok congh daej. Mwngz yawj vei! Mwngz raen gaiq nazmieq baihde lwi? Gou mbouj ngah gwn mienhbau, hauxmeg doiq gou daej gangj, mbouj miz saek di yungh. Nazmeg caeug gou goj mbouj miz nanangq saek di. Hoeng, byoemgyaeuj mwngz henjrwkrwk. Langhnaeuz mwngz gunx gou le, cix ndei lai lo. Haeuxmeg goj henjrwkrwk, gou baez yawjraen de cix ngeix daengz mwngz. Mbangjbaez, gou lij gyaed gij singrumz nazmeg dem....."

Duznyaenma cim Lwgvuengziq nanznanz bae.

"Mwngz daej gunx gou vei!" De naeuz.

"Gou goj yaek gunx mwngz dahraix ne." Lwgvuengziq han naeuz, "Hoeng gou mbouj ndaejvangq geijlai, gou yaek bae ra baengzyoux, lij yaek roxyiuj lailai doenghyiengh dem."

"Vunzlai roxyiuj gij doxgaiq de gunx gvaq haenx cix ndaej lo." Duznyaenma naeuz, "Vunzlai mbouj ndaej vangq bae roxyiuj gijwng lo. Gyoengqde bae ranzbouq cawx doxgaiq yienhmiz. Hoeng lajmbwn neix mbouj miz ranzbouq lawz cawx ndaej baengzyoux, yienghneix vunz cix mbouj miz gijmaz baengzyoux lo. Langhnaeuz mwngz yaek au boux baengzyoux ndeu, mwngz cix daej gunx gou vei!" (28)

Guhvunz Mbouj Ndaej Dam Bienzngeiz

为人不可贪便宜

贵港市覃塘区蒙公镇高占小学五年级 Dwng Liengzyij/邓良宇

Guhvunz mboujndaej dam bienzngeiz, mboujne leixgyaq sieddae.

Geiq ndaej bi' gvaq ciet "5.1", gou caeug Vangz Gangh lij miz daxboh gou bae Gveigangj Caehnanzsanh guhcaemz. Ngoenzhaenx rumz swnh ndit ndei. Dou sim' angq dwk daej daengz Caehnanzsanh, byaij haeujbae, couh yawjraen aen bouq nyingz cungq ndeu. Aenvih gou gig maij nyingz cungq, ngamqngamq gou hix daiq miz 40 maenz ngaenz. Sojyij gou couh byaij gvaqbae. Gou cam daxbuz: "Daxbuz, 10 maenz ngaenz ndaej nyingz geijlai naed bikmax?" Daxbuz riu gangj: "10 maenz ngaenz 20 naed bikmax." Gou roxnyinh gig habsuenq, aenvih gizwnq 10 maenz ngaenz cij ndaej 5 naed bikmax. Gou caeug Vangz Gangh couh boux hawj 10 maenz ngaenz, daxbuz hawj dou boux 20 naed bikmax, gou nyingz liux lo, daxbuz couh hawj gou aen vanzgi youq lajmbanj 5 gak ngaenz couh ndaej cawx ndaej haenx. Daxbuz gangj neix couh dwg ciengjlaeh. Gou muengh gij ciengj naemj: Neix couh dwg 10 maenz ngaenz vuenh daej, siedbonj lai lo. Baezneix lij ndaej lauz di bonj dauq, engq siedbonj lij youq doeklaeng ne.

Gou gaem ciengjbinj cam Vangz Gangh: "Raeuz seizneix bae gizlawz youz ne?" Vangz Gangh cienq gyaed baez yawj, yawjraen aen faexgaq ndeu, angq dwk gangj: "Raeuz bae gizhaenx youz." Gou cienq ndang baez yawj, yawjraen faexgaq cungq-gyang miz cih 'ciengj' gig hung ndeu, gwnz cih miz diuz dietding, baihlaj miz 3 aen gek, sang daihgaiq 10 leizmae. Baihgwnz lij miz geij cihsoq, faenbied dwg 5 maenz, 10 maenz, 20 maenz, 30 maenz, 40 maenz, 50 maenz. Gou couh byaij gvaqbae cam: "Daxgoeng, neix dwg gijmaz? Baenzlawz

saj?" Daxgoeng riunyumnyum gangj: "Neix dwg aen danzgungh gihgi caeu cienq, cijaeu mwngz beng aen danzgungh cienq baez ndeu, caiq cuengq hai, danz doiq aen giuz, aen giuz couh gaen gij gvejdaur ringx, doeklaeng aen giuz dingz youq cihsoq lawz, couh ndaej geijlai maenz. 5 maenz ngaenz ndaej saj baez ndeu." Gou ndaw sim naemj: Ndei ha, lauz dauq cienq ci hix ndei ha. Gou caeug Vangz Gangh gak saj baez ndeu cungj mbouj ndaej saek faen ngaenz. Gou mbouj fug, baenzlawz song boux vunz cungj mbouj cungq, yienzhaeuh, gou caeug Vangz Gangh mbouj fug, youh caiq cuengq cienq haeujbae saj, hix mbouj cungq. Doeklaeng, gou caeug Vangz Gangh couh dawz cienq ndaw daeh cienzbouh dwk bae saj, yienghneix bonjciengz cungj mbouj ndaej dauq lo. Dou song vunz sim naiqneugnueg dwk byaij deuz.

Seizneix, daxboh gou daej daengz lo. Gou couh dawz gij cingzgvang gangj hawj de dingq. Daxboh dingq le, hix cuengq cienq haeujbae saj baez ndeu, hoeng hix mbouj cungq. Daxboh rox gou caeug Vangz Gangh cungj deng yaeuh lo, de gaem hwnj gij giuz yienghceij lumj binghbanghgiuz nei, yungh Vahcuengh gangj: "Raeuz deng yaeuh lo, aen giuz haenx dwg swzdiet, cijaeu raeuz baez naek aen nieng, giuz couh rox dingz youq giz dietding, haeuj mbouj daengz cihsoq cungqciengj lo. Sojyij mbouj gojnaengz cungqciengj. Baez neix couh hawj raeuz baez gyaeyin lo."

Daj baez neix hwnj, gou caiq hix mbouj dam bienzngeiz lo. Aenvih laj mbwn mbouj miz saek bienzngeiz.

(lauxsae son' gyaug Cuh Veimingz/ 朱卫明)